



UNIVERSITÄTS-
BIBLIOTHEK
PADERBORN

Universitätsbibliothek Paderborn

Margarita Evangelica

Essche, Nicolas van

Coloniae, 1545

impedimenta ascendenti vitanda. 16

[urn:nbn:de:hbz:466:1-49323](https://nbn-resolving.org/urn:nbn:de:hbz:466:1-49323)

desiderio possidere ac regere possit. Et hic anima per Christi animam ad alterum vitæ spiritualis gradum vsque ad montis introitum ascendit.

De impedimentis, quæ cauere quisque debet in ascensu suo. Cap. XVI.

Porro, ob naturæ infirmitatem, quæ istam animæ cruce[m] ferre non posset, inferior homo ad ista accedere non valet. Enimvero, si cor humanum inhibere vellet illud quo perfusa est anima, quodque in ea agitur, ipsum tabescere & deficere oporteret, atque per hoc in ascensu suo anima remoraretur, & spiritus introitum amitteret, atque inferior homo ab actionis suæ profectu impediretur. Cauere proinde quisque sibi debet ab impetu violento cordis atque naturæ, qui profecto de pede montis, id est, a conformitate humanitatis Christi deijceret, & in noxiam naturam propelleret, in qua sane æterna perditio consistit. Prudenter itaque hic agendum est, & consilium petendum ab incolis montis illius: qui tamen pauci sunt, licet plurimi sint vocati. Quia videlicet nemo sui vult periculum facere, ac seipsum abnegare, in quo tamen immensa salus ac vita æterna consistit. Et quicquid hic mereri negligimus, illo postmodum æternaliter carere oportebit. ¶ Proinde, naturam tuam, id est, hominem inferiorem, in Christi duntaxat humanitatem ascendere, ibique manere atque cum ipso ambulare, operari, discere, dimittere, pati, mori ac viuere finas. Animam vero tuam cum ipsius anima in vitam spiritualem conscendere, & spiritum tuum cum ipsius spiritu in super-

P v essen-

MARGARITAE EVANG.

essentialem ac deiformem vitam ingredi facias: sicque custodieris in omnibus vijs tuis, cum nō plus sapueris in ascensu, descensu atque introitu tuo, quam tibi datur atque permittitur. Et ut in isto securus ac tutus esse quisque possit, sic orare ac dicere deber: Inclina domine aurem tuam & exaudi me, & custodi me in omnibus vijs meis: quoniam inops & pauper sum ego. Custodi animā meam, quoniā sanctificata est per te, & saluū fac spiritū meum Deus meus sperantē in te. Igit postquā anima modo supradictō ascēdit, inibi in fundo suo persistere nec vltērius temere ingredi nec retrocedere debet.

De tertia scala, quæ est gaudiosus spiritus domini nostri Iesu Christi. Cap. XVII.

Tertia scala, per quam in summæ diuinitatis montem ingredimur, est ipse spiritus Christi, qui fixus & immobilis permanebat in perfectō gaudio & suæ diuinitatis fructione, in essentiali vnitāte virium suarum superiorum, in plenitudine deliciarū: extra quas nec ad momentum recedebat, in qualibet magna pœna ac desolatione anima corpusq; suum existerent: paratusq; erat cum gaudio (prout S. Bonaventura testatur) tot corpora, si habuisset, morti tradere, quot sunt stellæ in cœlo, guttæ aquæ in mari, grana arenæ iuxta mare, & gramina super terram: atque in tali pœna, qualem in cruce pendēs sustinebat, vsq; ad extremi iudicij diē permanere pro vnius animæ salute, si hoc iustitia sua exegisset. Cum pfectō q; gaudio seipsum in diuina abyssō, in speculo videlicet semper venerandæ